

Uunga siunnersuut: Umiarsualivimmiinnermut aamma umiarsuarni takornarianik angallasisuni ilaasut akileraarutaat pillugit inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerpeqarnera

Aningaasaqarnermut Akileraartarnermullu Ataatsimiititaliaq inatsisissatut siunnersuutip suliarineqarneranut atatillugu peqqissaartumik sulimanera pillugu Naalakkersuisut sinnerlugit qutsavigaara.

Ataatsimiititaliami amerlanerussuteqartut siunnersuummut isumaqataasimanerat Naalakkersuisut nuannaarutigalugu maluginiarpaat.

Allannguutissatut siunnersuutip, takornariaqarnermik inuussutissarsiornerup iluani akitsuusersuinerup aaqqissuussaanaerata peqqissaartumik misissoqqissaarneqarneranik Inuussutissarsiornermut, Aatsitassanut Suliffeqarnermullu Naalakkersuisoqarfimmit 2014-imi ingerlanneqartumik tunngaveqarluni suliaasimanera Naalakkersuisut maluginiarpaat. Misissueqqissaarnerup inerniliussaa Naalakkersuisut isumaqataaffigaat.

Takornariaqarnermik inuussutissarsiornerup ineriartornera, matumani aamma pingaartumik akitsuusersugaanerata aaqqissuussaanaera Naalakkersuisut ukiuni aggersuni malinnaavigiuarparpaat.

Taamatut oqaaseqarlunga siunnersuutip saqqummiunneqartup taamaalluni aalajangiutivinneqarnissaminut pingajussaaniigassanngortinneqarnissaa Naalakkersuisut sinnerlugit inassutigaa.